

D. THOMAE
DEROSA
CAVEN.

Episcopi olim Sancti Angeli, nunc Polycastren.

ADDITIONES
AD SVVM TRACTATVM

De Exequutoribus Litterarum Apostolicarum,
tam Gratiae, quàm Iustitiae.

QVIBVS ACCESSIT

NOVVS TRACTATVS

De Exequutoribus Litterarum Remissorialium in
ordine ad Processus pro Canonizatione
Sanctorum.

VNA CVM PRAXI.

Opus in Ecclesiasticis Curijs utile, & necessarium.



NEAPOLI, Ex Typographia Antonij Gramignani M.DC.LXXXVI.

SVPERIORVM PERMISSV.



S A C R O ROMANO AUDITORIO

Thomas de Rosa Episcopus Polycastren.



Stræ lucubrationes istæ, dudum è preli rota absolutæ, dum ad lucem prodire auent, ad aliam confugiunt ROTAM, illam scilicet, quæ Solis Rotam vincit decore, ac lumine. Quid moror? Romanam adeunt ROTAM, ad cuius gyros vniuersus Orbis concordem protrahit harmoniã. ROTAM istam duodenæ mouent, reguntq; Intelligentiæ, quarum nutus septingemini Urbis colles reuerentur, quarum imperia Tybris adorat. Hinc si homogeneum meo operi auspiciari debebam fastigium, operæ pretium duxi, non superas Cælestium voluminum Rotas adijicere, sed hanc, quam Cæli Moderator destinauit, vt quicquid ipsa mente, animo que conciperet, ætheræ orbitæ quasi in solido adamante notarent instar fati inuiolabilis. Quicquid enim quondam fama increbuit, pertesam humanæ sobolis Astræam terrestribus excessisse oris, & patrios remasse sub axes, ne sua solo prostrata conspiceret trophæa, in Romana hac Rota fefellisse, luce meridiana est clarius. Fixit enim ibi æternas Iustitia Sedes, nec vnquam, vt ad Cælum effugeret, alarum optauit remigiũ. Testis est Corona illa Sacrorum Infulatorum à Ioanne XXIII. qui per tot lustrorum curriculos semper integerrimæ virtutis, & ornatissimæ sapientiæ perfectissimæ nituerunt ideæ. Sic meritò Bursatus Romanæ Rotæ Auditores appellant *Lucernas ardentissimas supra montem positas*, quæ omnibus lumen præstant.

Ast Ego non vestrarum laudum præconia recensere conabor: scio enim quod immensus est meritorum Oceanus, vbi aut non extant, aut non apparent littora. Sat doctissimorum torrens Iuristarum vestra encomia aurifera eloquentiæ vena expressit: at grauidus Terrarum Orbis vestrarum est laudum non inanis Echo; Vnum recensendum existimaui, *Specularoris* scilicet testimonium dicentis, Romanos Pontifices, vestris ex relationibus iudicare solitos, additque *Vinius* ex Romanæ Rotæ responsis canonica iura fuisse cõflata. Proh mirum! Illos Astrorum Clauigeros, Dei Interpretes, Cæli argentea referantes limina, & caligantis Auerni fauces occlu-



THOMÆ DEROSA

ADDITIONES

AD SVVM TRACTATVM

De Exequutoribus Litterarum Apostolicarum.

ADDITIONO

Ad Caput I. Primæ Partis.

SVMMARIVM.

Supplicatio limitatur secundum Papæ intentionem, & ex clausulis dignoscitur quid Papa voluerit concedere, nu. 1.

Cassaturæ presumuntur factæ ex voluntate Pontificis, eod. n. 1.

Gratia recipit substantiam à signatura Papæ, nu. 2.

Gratia quando dicatur perfecta ? nu. 3. & 4.

Signata una supplicatione, possunt signari aliæ sub eadem data, n. 5.

Quid sit titulus, cui prius ? num. 6.

Non admittitur probatio, quod supplicatio non fuerit signata sub eadem data, nu. 7.

Non potest obijci de iure quæsito medio tempore, nu. 8.

Litteris expeditis, nõ potest signari noua supplicatio sub eadem data, n. 9.

Quæ differentia inter gratiam signatam per Fiat, & per Concessum ?

num. 10. 11. & 12.

Num, & quæ acceptatio in gratia requiratur? n. 13. 14. 15. 17. & 18.

Non requiritur mandatũ ad expediendas gratias, nu. 18.

Plures gratiæ sub eadem supplicatione expediri possunt, dummodo nõ sint inuicem pugnantes, nu. 19.

Datarij potestas quæ? num. 20.

Quale tempus attendatur pro anterioritate, vel posterioritate gratiæ? nu. 21.

Cui magis credendum regesto, an supplicationi? n. 22.



De ea, quæ scripsimus in hoc primo capite, infra scripta addenda videntur; diximus, quod porrigitur supplicatio, quæ in Dataria limitatur secundum Papæ intentionem, & gratia regulatur à Papæ signatura, quicquid fuerit in corpore positum, & ex dispositiua, & clausulis, attenditur quid Papa voluerit concedere, & cassaturæ in supplicatione presumuntur factæ ante,

A vel